

Destino-osagarria ordaintzea aztertuko du Hezkuntza Sailak

EAEko Justizia Auzitegi Nagusiak horretara behartu du



Inaxio Oliveri, Eusko Jaurlaritzako Hezkuntza sailburua.

ANDER GILLENA

Erredakzioa / Bilbo

Ordaintzera behartzen duen EAEko Justizia Auzitegi Nagusiaren epaiaren ondoren, irakasleei destino-osagarria ordainduko dien ala ez aztertuko duela azaldu du Eusko Jaurlaritzako Hezkuntza Sailak. Ordaindu beharreko guztiari aurre egiten badio, 1.200 milioi peze- ta gastatu beharko dituzte (48 milioi libera).

EAE-KO JUSTIZIA AUZITEGI NAGUSIAK (TSJPV) emandako epaia aztertuko duela azaldu du Hezkuntza Sailak. Epaia horrek dioenez, sare publikoko irakasleen erdiei 1994an ordaindu ez zien destino-osagarria ordaintzera behartuta dago Hezkuntza Saila. Dena dela, Saila ez dago ados epaiarekin.

Hezkuntza Sailak zabaldu- tako komunikatuak dioenez, bi epai mota daude. Arazoa sakon aztertu eta 1994ko aurrekontuak onartzen dituztenak, alde batetik, eta arazoa gaineratik aztertu eta errekurtsioa jarri dutenei arrazoia eman eta ordaintzera behartzen dutenak, bestetik. Diotenez, azken epaiak ez du kontuan izan garai hartako legea betetzen zen ala ez.

Auzitegiaren epaiak auzitara jo zuten 120 irakasle hartzen ditu bere gain, eta, ondorioz, 1.200 milioi pezetako gastuari egin beharko dio aurre Hezkuntzak. Hala ere, 8.000 dira osagarri hori jaso ez zuten irakasle eta hezkuntza publikoko langileak.

Inaxio Oliverik esan duenez, arazoa 1994an sortu eta urte berean egin ziren erabakiak, eta orain Ssailean dagoen jendeak ez du zerikusirik.

Zor diena ordaintzeko exijitu dio PPK

EAEko irakaskuntza publiko irakasleei destino-osagarriak direla-eta zor dien dirua «berehala» ordain diezaiela exijitu zion PPK atzo Eusko Jaurlaritzako Hezkuntza Sailari. Espainiako Auzitegi Gorenak kaleratu berri duen sententzia nola beteko duen azal dezala eskatu dio PPK Inaxio Oliveri Hezkuntza sailburuari Eusko Legebiltzarrean aurkeztutako galde- ra batean. «Jaurlaritzak irakasle guztiei ordaintzea nahi digu, eta ez ordainketa errekurtsioa irabazi dutenei bakarrik. Sententzia orokortu egin behar da egun planteatzen ari diren milaka auzi judizial erabaki arte itxaron gabe», azaldu zuen Inaki Oiarzabal PPko parlamentarioak.

Irakasle bati egin eraso gaitzetsi du Jaurlaritzak

■ *Gasteizko ekintza bere gain hartu dutenek «faxistatzat» jo dute irakaslea*

Erredakzioa / Donostia

GASTEIZKO Koldo Mitxelena institutuko irakasle bati asteartean autoa erretzea gaitzetsi du Eusko Jaurlaritzako Hezkuntza Sailak. «Ez da pertsona baten kontrako eraso bakarrik, hezkuntza sistemaren kontrakoa baino», dio Hezkuntza Sailak atzo kaleratutako ohar batean.

Hezkuntza Sailak irakasle- ari diru laguntzak lortzeko laguntza eskainiko dio. Horrelako kasuetan auzitara joko duela iragarri zuen.

«Irakaslea eta zuzendaritza taldea profesionaltasun eta jarrera demokratikoz» lanean buru-belarri ari direla dio oharrak. Hezkuntzan ari direnei eraso bazter dezaten exijitu die, eta «balio etiko,

gizalegezko eta demokratiko- ak» ez hausteko eskatu du.

Izan ere, atzoko *Euskadi Información* egunkarian argi- tara eman zuten, norbaitek telefonoz deitu eta bere gain hartu zuen autoaren erre- tzea. Irakaslea «español eta faxistatzat» jo zuen. «Gure eskubideak zapaltzen diren artean» halako ekintzak izan- go direla ohartarazi zuen.

laburrean

■ Nazioartera eta sakeleko telefonoetara deitzeko

6 eta 00 zenbakiek bakarrik balioko dute bihartik aurrera

BIHARTIK aurrera 6a izango da sakeleko telefonoetara dei- tzeke sakatu beharreko lehen zenbakia, eta nazioarteko deien lehen bi zenbakiak, berriz, 00 izango dira. Orain arte- an 9 eta 07 markatu behar zen lehenik. Azken hilabeteotan bi aukerek balio izan dute, baina orain zenbaki zaharren bidez ezingo da deitu. Dena dela, otsailaren 27a bitartean, zenbaki berriak zeintzuk diren esango duen ahots bat entzungo dute aldaketaren berri ez dutenek. Erabiltzaileak ez du ordaindu beharko dei hori. Zenbakien Plan Berria ezartzeko eta Europako araudira egokitzeko egin dituzte aldaketok. x

■ Auzokoei erasotzeagatik Ermuan atxilotutako bi gizonen aurrekari larriak dituzte lapurtzeagatik

HERENEGUN arratsaldean Ermuan (Bizkaia) lau emaku- meren aurka izandako erasoarekin ustez zerikusia izateaga- tik atxilotutako bi gizonen biolentzia erabiliz lapurretak egi- teagatik aurrekari larriak dituztela esan du Ertzaintzak. Bietako bat kartzelan egon zen hori dela eta. Erasoak jasan zuten emakumeen eraikin berean bizi ziren erasotzaileak. Haien etxeetan egindako miaketan, ustez erasoan erabilita- ko mozorroa, pistola eta lapurtutako ia diru guztia (130.000 pezeta) aurkitu du Ertzaintzak. x

■ Indarkeria berriei buruzko jardunaldiak antolatu ditu Hegoak Bilbon

HEGOA erakundeak, BBK-k babestuta, *Gizarte desgitura- keta eta garapena*. Indarkeria berriak izenburuko jardunal- diak egingo ditu hilaren 25etatik 27ra bitartean. Topaketa horien bidez indarkeriaren berragerpenaren eta gizarte desgituraketaren zergatiak zein horrek guztiak herri xehe- an izan ditzakeen ondorioak aztertu nahi dituzte, garapene- rako politikei dagokienez bereziki. Jardunaldiotan honako hiru gai hauek jorratuko dituzte adituek: *Lehenengo eta orain- go indarkeriak mundu osoan, Tribuen arteko eta gizarteko indarkeria Afrikan eta Politika eta gizarte-indarkeria Latinoa- merikan*. x

■ Gasteizen lapur batzuek gizon bat zauritu dute ganibetez, haren etxean sartu ostean

BI IRUINDAR atxilotu zituen Ertzaintzak herenegun gaue- an, Gasteizko etxe batean sartu eta bertan zeuden senar- emazteei eta haien seme-ari lapurtu ondoren. Aurpegia bufandaz estalia eta eskuan ganibet bana zutela sartu ziren etxebizitzara, eta, jabeekin izandako tirabiren ondorioz, senarra aurpegian eta eskuetan zauritu zuten. Gelan zeu- den bitxiak hartu eta aita, semea eta bizilagun batzuk atze- tik zituztela alde egin zuten lapurrek, eta azkenean ihes egi- tea lortu zuten. Zauritutako gizona erietxera eraman behar izan zuten. Geroago, lekukoek emandakoen antzeko ezau- garriak zituzten bi pertsona ikusi zituen Ertzaintzak, lapu- rreta gertatutako etxetik gertu. Gelditzeko agindua entzute- an, ihesari eman zioten, eta ertzainek tiro bat egin zuten. Atxilotu ondoren, odolez zikinduriko bi ganibet handi, laba- na bat, lapurturiko bitxiak, urrezko erloju bat eta zenbait eraztun aurkitu zizkieten. Epailaren esku utzi zituzten 38 urteko A.J.A. eta 21eko C. A. J. x

■ Eurotxeekekin iruzur egin duen talde bat atzeman du Espainiako Poliziak Nafarroan

EUROTXEKEEKIN iruzurrean jardun izan duen taldea atze- man du Espainiako Poliziak Nafarroan. Iruzurgile talde hau nazioartean ere aritu izan da iruzurrez eurotxeek kobratzen. Eurotxeke sistema Europar Batasuneko bankuetako bezeroek ordaintzeko erabiltzen duten sistema da. Dirua jaso behar duenak pasaporteak erakutsi behar dio banketxe- ko enpleguari eta haren aurrean eurotxekea sinatu behar du. Talde honek beste herrialde batzuetatik Espainiara joandako turistek eurotxeek lapurtzen zizkiela uste du poliziak. Bertako iturriek atzo jakinarazi zuten, Nafarroan kobratu zituzten eurotxeek Valentzia aldean lapurtutako- ak ziren. Nafarroan, zehazki, 209 eurotxeke kobratu zituz- ten eta 5,2 milioi pezeta eskuratu zituen taldeak. Bertako ia hogei herritan aritu izan dira, besteak beste, Tafalla, Garex, Olite eta Noainen. Poliziaren arabera, hiru emakume- k osatzen zuten taldea: bi atxilotu ditu eta hirugarrena non ote den ikertzen ari dira. Iruñeko banketxe bateko arduradunek eginiko salaketaren ondorioz, ekin zion Poliziak kasua iker- tzeari. x